



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ephesini Concilii Generalis Pars III. Sub Cælestino papa I. anno CCCCXXXI.

Parisiis, 1644

Epistola Cyrilli Episcopi ad Iuuenalem episcopum & ceteros Concilii legatos
Constantinopolim missos.

urn:nbn:de:hbz:466:1-15241

ANNO
CHRISTI
431.

cum vero quitalis non est, tamquam profanum auersatur. Hic, ut speramus, sanctitati tuæ opem feret, eamdemque opulenta manu cœlestibus donis exhilarabit; quo verbum veritatis recte tractando, & sanctorum patrum fidei veluti vestigiis quibusdam insistendo, laudabilis perseueret per misericordiam & benevolentiam Christi saluatoris nostri omnium: per quem & cum quo, Deo & Patri cum sancto Spiritu, gloria & potestas in secula seculorum. Amen. Saluta fraternitatem, quæ tecum est. Salutat te, quæ mecum est, in Domino. Valere te, nostri memorem, precor a Domino, reuerendissime Deoque dilectissime frater.

EPISTOLA CYRILLI EPISCOPI ad Iuuenalem episcopum & ceteros Concilii legatos Constantinopolim missos.

Dominis desiderabilibus & Dei cultoribus & comministris Iuuenali, Flauiano, Arcadio, Proiecto, Firmo, Theodoto, Acacio, & Philippo presbytero, Cyrillus in Domino salutem.

CAP. XIX.

SATISFACTVM nobis est iterum, & ipso experimento cognouimus quia veritas viuit & vincit, secundum sancti vocem: resistit autem ei * omnium nihil: est autem * omnino sic validissima, ut insurgat aduersus omnes inimicos, & resistantium sibi virtutem soluat. Ecce enim, ecce false quidem loquentium ora * destruxit, & illicitarum blasphemiarum caligo cessavit; resplenduit autem veritatis dogmatum pulcritudo, ordinato episcopo secundum decre-
* obstruit,
tum Deiatque Concilium per sanctitatem vestram reue-
rendissimo & Dei cultore Maximiano, quem etiam & longa ætas ornauit non in desidiis & deliciis constitutum, sed in laboribus & virtute; & qui multa rerum decoratus est cura pro veritate & dogmatibus pietatis. Congaudens igitur vniuersis ecclesiis & populis ibidem constitutis,

CÆLESTINVS EPHESINVM. THEODOSIVS
P.I. VALENTIN. IMP. 269

ANNO CHRISTI 511. merito proclamabo: *Benedictus Dominus, quia visitauit & fecit redemptionem plebis suæ.* Non enim poterat dormitare sic bonus pastor, ut etiam suam animam poneret pro oib[us]: & semper saluificare sciens, * antiquam quidem bestiam a sacra & diuina aula repulit, sapientissimum autem & totius virtutis insignem præceptorem elegit, quem etiam credimus decorari in omni bono, & venerabili atque præcipua virtute pollentem, gubernare sub sua manu populum constitutum. Incolumes vos esse in Domino, & nostri memores, oramus, carissimi & desideratissimi.

EPISTOLA SANCTÆ MEMORIÆ
Cælestini Papæ post damnationem Nestorii ad sanctam Synodum Ephesinam scripta.

Cælestinus episcopus sanctæ Synodo apud Ephesum constitutæ.

TANDEM malorum fine gaudendum est; tandem nobis omnibus in commune dicendum: *Dextera tua glorificata est in virtute, dextera manus tuæ confregit inimicos.* Proprie namque ipsi confracti sunt, quando iniqua loquentium, dicente Dauid, os videamus esse obstructum. Huiusc tamen tam fideliter peractæ rei vos executores nobiscum videmus fuisse * fidei defensores; qui conuenientes in vnum, & secundum Apostolum, non quæ vestra sunt quærentes, sed quæ Christi Iesu, negotium domini communis egistis. Apud vos ergo de vestra loquimur sanctitate, quorum in omnem terram sonum gaudemus exisse, cum & in finem eiusdem orbis prædictæ veritatis a vobis verba venerunt. Deus noster non patitur latere quod præsttit: quia nunquam beneficia superna cœlantur. Ita namque fit, ut tanto munere innotescente cœlesti, pro voluntate diuina, sicut scriptum est, *omnis homo saluus fiat, & veniat ad scientiam veritatis.* Loquor * ergo victoribus, & qui in prælium solam contra hostem portauerunt fidem, quæ, & Ioanne apostolo dicente, *vicit & mundum:* vobis eiusdem proprie perscribo sermonibus, qui secundum diuinam paginam, ut patres cognouistis quod ab initio est; & vt iuuenes, dum fortes estis, & verbum Domini in vobis manet, vicistis malignum. In talibus sociis gratulantes, de hoc euentu minime dubitamus. Habuit animum nostrum fiducia superandi, qui vobis vi-

L 1 iij

* fideles
Dei facies
dotes;

* ego